



Broj: UP09-07-1-554/24  
Sarajevo, 23.07.2024. godine

Ministarstvo pravde Bosne i Hercegovine, rješavajući Zahtjev osnivača UDRUŽENJA KOŠARKAŠKIH TRENERA U BOSNI I HERCEGOVINI, zastupanih po punomoćniku Bajramović Kenanu, advokatu iz Zenice, u predmetu upis u Registar udruženja, na osnovu člana 8. i 33. Zakona o udruženjima i fondacijama Bosne i Hercegovine ("Službeni glasnik BiH", br. 32/01, 42/03, 63/08, 76/11 i 94/16) i člana 4. stav (1) Pravilnika o načinu vođenja registra udruženja i fondacija Bosne i Hercegovine i stranih i međunarodnih udruženja i fondacija i drugih neprofitnih organizacija ("Službeni glasnik BiH", br. 68/18), d o n o s i

### R J E Š E N J E

1. U Registar udruženja kod Ministarstva pravde Bosne i Hercegovine pod registarskim brojem: RU-2807, knjiga I Registra, dana 23.07.2024.godine, upisuje se Udruženje pod nazivom:

UDRUŽENJE KOŠARKAŠKIH TRENERA U BOSNI I HERCEGOVINI  
UDRUGA KOŠARKAŠKIH TRENERA U BOSNI I HERCEGOVINI  
УДРУЖЕЊЕ КОШАРКАШКИХ ТРЕНЕРА У БОСНИ И ХЕРЦЕГОВИНИ

Skraćeni naziv Udruženja glasi:  
UKT u BiH, UKT u BiH, UKT y БИХ.

2. Adresa sjedišta Udruženja je: Gradiška, Ulica Nikole Tesle broj 3.
3. Udruženje ima znak. Znak udruženja, predstavlja košarkašku loptu u plavoj i žutoj boji sa trenerskom tablom crne bijele boje preko lijeve polovine lopte i na desnoj strani znaka je skraćeni naziv Udruženja crne boje podvučen plavo-žutom linijom, a ispod te linije je puni naziv Udruženja.
4. Ciljevi i djelatnosti Udruženja su: Unapređenje stručnog rada na osnovama naučnih i savremenih metoda rada; Izgrađivanje prijedloga, stavova, mišljenja i inicijativa o svim pitanjima iz zajedničkog interesa za članove UKT u BiH, UKT u BiH, UKT y БИХ i košarkaški sport uopće; Organizovanje trenerskih i ostalih seminara; Povezivanje sa trenerskim organizacijama u zemlji i inostranstvu; Učestvovanje u radu KSBiH s namjerom dostizanja vrhunskih rezultata u oblasti košarke; Realizacija Odluka EABC, WABC, KSBiH; Ekonomska i socijalna zaštita članova u skladu sa kolektivnim ugovorima i odlukama organa UKT u BiH, UKT u BiH, UKT y БИХ; Socijalna i pravna pomoć članovima UKT u BiH, UKT u BiH, UKT y БИХ; Zaštita stručnog i profesionalnog statusa članova UKT u BiH, UKT u BiH, UKT y БИХ; Uređenje i obezbjeđivanje uslova za odgovarajuće vrednovanje stručnog rada članova Udruženja u klubovima i priradu u KSBiH; Priprema prijedloga, inicijativa i stavova za poboljšanje rada Udruženja; Učestvovanje u radu košarkaških klubova i drugih udruženja pri izvođenju različitih akcija na području

košarke i sporta; Upravljanje sopstvenim sredstvima, članarinama, donacijama, sponzorstvima i sl. Sve navedene ciljeve i djelatnosti Udruženje će ostvariti i obavljati u skladu sa Ustavom, pozitivnim zakonima BiH, te u skladu sa svrhom za koje se Udruženje osniva, ali ne radi sticanja dobiti.

Udruženje se razvrstava za područje djelovanja:

4. Privreda; 5.Hobi; 8.Saradnja; 9.Obrazovanje, nauka i istraživanje.

5. Lica ovlaštena za zastupanje Udruženja u pravnom prometu je:  
Ognjenka Jovičić, predsjednica Udruženja.  
Jasmin Efendić, potpredsjednik Udruženja.
6. Danom upisa u Registar Udruženja kod Ministarstva pravde Bosne i Hercegovine, Udruženje stiče svojstvo pravnog lica i ima slobodu djelovanja na cijelom području Bosne i Hercegovine isključivo pod registrovanim nazivom.
7. Ovo Rješenje će se objaviti u „Službenom glasniku BiH“, o trošku podnosioca Zahtjeva.

### O b r a z l o ž e n j e

Osnivači Udruženja KOŠARKAŠKIH TRENERA U BOSNI I HERCEGOVINI su dana 14.02.2024. godine, podnijeli Zahtjev za upis u Registar udruženja kod Ministarstva pravde Bosne i Hercegovine.

Tokom postupka registracije Ministarstvo je utvrdilo da Zahtjev nije potpun, te da sadrži nedostatke i nepravilnosti zbog kojih nije moguće izvršiti registraciju. Ministarstvo je aktom broj: UP09-07-1-554/24 od 05.03.2024. godine zatražilo ispravku i dopunu Zahtjeva.


Podnositelj zahtjeva je podnescima od 05.04.2024.godine, 04.06.2024.godine. i 19.06.2024.godine izvršio izmjene i dopune zahtjeva, te je uz zahtjev priložio slijedeću dokumentaciju : Punomoć za Bajramović Kenana advokata iz Sarajeva od 13.05.2024.godine; Zapisnik sa Osnivačke skupštine Udruženja, broj 7/24 od 30.01.2024.godine; Odluku o osnivanju Udruženja broj: 01-24 od 31.01.2024. godine; Statut Udruženja broj: 02/24 od 30.01.2024. godine u dva primjerka; Odluku o imenovanju, broj: 03-24 od 30.01.2024. godine; sa ovjerenom fotokopijom lične karte i ovjerenim potpisom lica ovlaštenih za zastupanje Udruženja u pravnom prometu; ovjerene fotokopije ličnih karata osnivača Udruženja; Izjavu po članu 31. stav (f) Zakona od 30.01.2024.godine, primjerak znaka, te dokaz o uplati administrativne takse.

Na osnovu činjenica utvrđenih u postupku, proizilazi da su ispunjeni uslovi propisani čl. 8. i 33. Zakona o udruženjima i fondacijama Bosne i Hercegovine i čl. 4. Pravilnika o načinu vođenja registra udruženja i fondacija Bosne i Hercegovine i stranih i međunarodnih udruženja i fondacija i drugih neprofitnih organizacija za upis Udruženja KOŠARKAŠKIH TRENERA U BOSNI I HERCEGOVINI u Registar udruženja kod Ministarstva pravde Bosne i Hercegovine, pa je doneseno rješenje kao u dispozitivu.

Na ovo Rješenje naplaćena je administrativna taksa u iznosu od 200,00 KM, u skladu sa Tarifnim brojem 108. Odluke o dopuni tarife administrativne takse ("Službeni glasnik BiH", br. 73/17).

**Pouka o pravnom lijeku:**

Protiv ovog rješenja nije dopuštena žalba, ali se može pokrenuti upravni spor tužbom pred Sudom Bosne i Hercegovine. Rok za podnošenje tužbe je 60 dana od dana prijema ovog rješenja



**Dostavljeno:**

- Advokat Kenan Bajramović (za Udruženje KOŠARKAŠKIH TRENERA U BOSNI I HERCEGOVINI u osnivanju)  
Ulica Dr. Abdulaziza Aska Borića broj 9  
72 000 Zenica  
i ovjeren tekst Statuta Udruženja broj: 02/24 od 30.01.2024. godine.
- Zbirka isprava;
- JP NIO "Službeni list BiH".